

Na osnovu člana 16. stav 3. a uvezi sa članom 21a. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), članovima 3. i 10 stav (7) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20) i Kriterijima za izbor i imenovanje predsjednika i članova Drugostepene komisije Vlade Zeničko-dobojskog kantona, broj: 02-30-1761/21 od 08.02.2021. godine, na prijedlog Ureda premijera, Vlada Zeničko-dobojskog kantona, na 93. sjednici, održanoj dana 08.02.2021. godine, d o n o s i

## **RJEŠENJE**

### **o imenovanju predsjednika i članova Drugostepene komisije Vlade Zeničko-dobojskog kantona**

#### **Član 1.**

##### **(Sastav Komisije)**

Imenuje se Drugostepena komisija Vlade Zeničko-dobojskog kantona (u daljem tekstu: Komisija) u sastavu:

- Ružica Jukić-Ezgeta, predsjednik, Ministarstvo za pravosuđe i upravu,
- Adis Čehić, član, Ministarstvo finansije,
- Nađa Mišić, član, Ministarstvo za prostornog uređenje, promet i komunikacije i zaštitu okoline,
- Ljiljana Anđelić, član, Ministarstvo za privredu.
- Denis Bojinović, član, Stručna služba Vlade,

Administrativno-tehničke poslove za potrebe Komisije obavljat će namještenica Venira Alihodžić.

#### **Član 2.**

##### **(Nadležnost Komisije)**

Nadležnost Komisije je rješavanje po žalbama izjavljenim protiv prvostepenih rješenja kantonalnih organa uprave i upravnih organizacija, donesenih na osnovu zakona i drugih propisa Zeničko-dobojskog kantona, ako drugim zakonom nije drugačije određeno.

#### **Član 3.**

##### **(Način rada Komisije)**

Način rada, odlučivanja i druga pitanja od značaja za rad i organizaciju Komisije uređuje se Poslovníkom o radu Komisije.

#### **Član 4.**

##### **(Mandat Komisije)**

Mandat Komisije traje četiri godine, počev od dana imenovanja.

Predmete pristigle, a nerješene do stupanja na snagu ovog rješenja, rješavat će Komisija imenovana ovim rješenjem.

#### **Član 5.**

##### **(Naknade za rad Komisije)**

(1) Predsjedniku i članovima Komisije, utvrđuje se pravo na naknadu za rad u Komisiji, u neto iznosu od 100,00 KM mjesečno, pod uslovom da u toku mjeseca bude održana najmanje jedna sjednica Komisije i da su zadatke Komisije obavljali izvan redovnog radnog vremena.

(2) Pravo na naknadu imaju samo članovi Komisije koji su prisustvovali sjednicama Komisije.

(3) Osoba koja će obavljati administrativno-tehničke poslove za potrebe Komisije, ima pravo na naknadu u visini od 70% od naknade koja je utvrđena za jednog člana Komisije.

(4) Zahtjev za isplatu naknade, uz prethodnu saglasnost premijera Zeničko-dobojskog kantona, podnosi se Ministarstvu finansija, zajedno sa zapisnikom održanih sjednica i kopijom odluka

donesenih na održanim sjednicama.

(5) Sredstva za rad Komisije isplati će se iz Budžeta Zeničko-dobojskog kantona sa razdjela 11 - Ured premijera, budžetska organizacija 01, potrošačka jedinica 0001, ekonomski kod 613900, pozicija „Izdaci za komisije, zastupnike i druge samostalne djelatnosti”, na račune imenovanih navedene u Zahtjevu za isplatu.

#### **Član 6.**

##### **(Izvještaj o radu)**

Izvještaj o radu Komisija dostavlja mjesečno premijeru Kantona, do 10. radnog dana za prethodni mjesec, a godišnji izvještaj najkasnije do 30. januara za prethodnu godinu.

#### **Član 7.**

##### **(Prestanak važenja)**

Stupanjem na snagu ovog rješenja, prestaje da važi Rješenje o imenovanju predsjednika i članova Drugostepene komisije Vlade Zeničko-dobojskog kantona („Službene novine Zeničko-dobojskog kantona“, broj: 3/17).

#### **Član 8.**

##### **(Stupanje na snagu i objava)**

Rješenje stupa na snagu danom donošenja i objavit će se u “Službenim novinama Zeničko-dobojskog kantona”.

**PREMIJER**

po Odluci predsjedavajućeg Skupštine

*Mirnes Bašić*

Broj: 02-30-1762/21

Datum, 08.02.2021. godine

Zenica

DOSTAVLJENO:

1x Imenovanim,

1x Stručna služba Vlade,

1x „Službene novine Zeničko-dobojskog kantona“,

1x a/a.